



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-121-4/22**
Datum: **01.04.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Jata Group“ d.o.o. Srebrenik za donošenje rješenja o vodnoj dozvoli za ispuštanje tehnoloških otpadnih voda sa lokacije asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, koja je smještena na lokalitetu Potpeć, općina Srebrenik, na osnovu člana 109. stav (1) tačke 2. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „Jata Group“ d.o.o. Srebrenik daje se vodna dozvola za ispuštanje tehnoloških otpadnih voda sa lokacije poslovnog kompleksa objekata – asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, koja je smještena na lokalitetu Potpeć, općina Srebrenik, na zemljištu označenom kao k.č. broj:2224, 2225, 2226/1, 2226/2, 2220/5 i 2220/4 KO Potpeć, općina Srebrenik.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (slivnici sa rešetkama, kanalizaciona mreža, kontrolni šahtovi, separatori ulja i masti, tankvane, depoi za frakcije, kanali u servisnoj radionici i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se skladištenje sirovina i energenata koji se koriste u spravljanju asfalta vrši u: silosu za asfalt, kapaciteta 2x120 t, silosu za filer kapaciteta 60 t, tri cisterne za bitumen- ukupno 120 t, rezervoaru za lož ulje 20 t, rezervoaru za termo ulje kapaciteta 200 l.
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode sa radno-manipulativnih površina sa prostora asfaltna baze i sa prostora servisne radionice nesmetano skupljaju putem kanala sa slivnim rešetkama, odvode do separatora ulja i masti kapaciteta $Q = 30 \text{ l/s}$ ($2 \times 30 \text{ l/s}$). Nakon tretmana, prečišćena voda se preko monitoring okna upušta u rijeku Tinju.
 - 3.5. Čišćenje i pražnjenje uređaja za tretman tehnoloških otpadnih voda, odnosno separatora ulja i naftnih derivata, može vršiti isključivo firma ovlaštena za zbrinjavanje opasnog otpada, prema sklopljenom ugovoru.
 - 3.6. Korisnik je obavezan da redovno vodi dnevnik o pražnjenju i odvozu sadržaja separatora ulja i naftnih derivata, izdvojenim naftnim derivatima i talogu.
 - 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti definisane u tabeli 1.1. kolona (3) Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).

- 3.8. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.9. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda od uvjeta definisanih u članu 21. stav (2) Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Sadržaj (talog) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.12. Da korisnik obavezno praktikuje suho čišćenje radnih i manipulativnih površina prije pranja vodom, da bi se uklonile nečistoće, trošilo manje vode za pranje i time smanjlo zagađenje okolnog terena od čestica prašine i oborinskih voda sa lokacije radnog prostora postrojenja.
- 3.13. Da se sav opasan otpad koji će nastati na prostoru asfaltne baze sa pratećim sadržajima redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.14. Da se u narednom periodu izvrši čišćenje, saniranje i uređenje devastiranih radno-manipulativnih, parking i dr. površina unutar kruga te dovođenje istih u funkcionalno stanje, sve u skladu sa okolišnim ciljevima.
- 3.15. Da se redovno prati stanje obale i korita rijeke Tinje, spriječi zatrpavanje i njegova devastacija i u slučaju eventualnog uočavanja procesa erozije potrebno je poduzeti sve raspoložive mjere da se iste blagovremeno zaštite u skladu sa odgovarajućim rješenjem.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Jata Group“ d.o.o. Srebrenik obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda sa lokacije poslovnog kompleksa objekata – asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, koja je smještena na lokalitetu Potpeć, općina Srebrenik, na zemljištu

označenom kao k.č. broj:2224, 2225, 2226/1, 2226/2, 2220/5 i 2220/4 KO Potpeć, općina Srebrenik.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:04-32.5-1/11 od 04.05.2011. godine izdato od strane Službe za statistiku za područje Tuzlanskog kantona - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-35-229-3/11 od 13.05.2011. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerjenje o poreznoj registraciji od 04.05.2011. godine izdato od strane Kantonalnog poreznog ureda Tuzla – ovjerena kopija,
- Rješenje o vodnoj dozvoli, broj:UP-I/25-3-40-032-8/17 od 12.01.2021. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:UP-I/25-3-40-032-6/17 od 10.03.2017. godine izdato od strane Agencije za vodno područje rijeke Save, Sarajevo – kopija,
- Rješenje o urbanističkoj saglasnosti, broj: 12-04/1-19-037333/20 od 24.11.2021. godine izdato od strane Ministarstva prostornog uređenja i zaštite okolica Tuzlanskog kantona – kopija,
- Rješenje o okolišnoj dozvoli za postrojenje asfaltne baze kapaciteta 210 t/h, broj:UPI 05/2-02-19-5-120/20 MK od 29.09.2021. godine izdato od strane Federalnog ministarstva okoliša i turizma – kopija,
- Transportna dokumentacija za otpad, broj: 031/21 od 06.04.2021. godine izdata od strane Kemokop d.o.o. Tuzla – kopija,
- Izvještaj o monitorinu kvaliteta i kvantiteta otpadnih voda asfaltne baze „Jata Group“ Potpeć, Srebrenik, broj: 1404/21, novembar 2021. godine urađen od strane „Inspekt RGH“ d.o.o. Sarajevo,
- Ugovor broj: 05-307-2/20 od 21.02.2020. godine potpisan sa JP Vodovod i kanalizacija „Srebrenik“ d.d. Srebrenik – kopija,
- Ugovor broj:01-1856/18 od 09.10.2018 potpisan sa „Kemokop“ d.o.o. Tuzla – kopija,
- Ponuda za čišćenje separatora, bez broja od 18.03.2022. godine urađena od strane „Kemokop“ d.o.o. Tuzla – kopija,
- Operativni plan mjera u slučaju vanrednih i incidentnih zagađanja, februar 2022. godine urađen od strane „Inspekt RGH“ d.o.o. Sarajevo,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona asfaltne baze i tom prilikom sačinjen Zapisnik o izvršenom uviđaju broj: UP-1/21-3-40-121-2/22 od 29.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pravno lice „JATA GROUP“ d.o.o. Srebrenik - asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, smještena je na lokalitetu Potpeć, općina Srebrenik, na zemljištu označenom kao k.č. broj:2224, 2225, 2226/1, 2226/2, 2224/1 i 2225/1 KO Potpeć, općina Srebrenik.
- Asfaltna baza je namijenjena za proizvodnju bitumenzionih materijala za potrebe cestogradnje i ista u svom sastavu posjeduje svu neophodnu opremu i instalacije za proizvodnju svih vrsta asfalta. Proizvodnja asfaltne mase je u potpunosti automatizirana.
- Osnovni podaci asfaltnog postrojenja: proizvođač „AMMANN“ tip UB 210 RAH 60, kapaciteta 210 t/h.
- Na terenu su instalirani slijedeći sadržaji: jedanaest boksova za kameni agregat, deset preddozatora za kameni agregat, horizontalni tračni transporter ispod preddozatora, kosi tračni transporter, rotaciona peć za sušenje agregata, elevator osušenog agregata, postrojenje za proizvodnju asfalta, dvostruki elevator za filter, filter za odvajanje prašine- suhi, filter za odvajanje

prašine- mokri, silos za povratni filer, silos za filer, ventilator otprašivanja, čelični dimnjak, korpa za elektromotorni pogon, čelični silos gotove mase, podzemni rezervoar lož ulja, kontejnerska kotlovnica, tri nadzemna rezervoara za bitumen, kompresorski agregat, agregatsko postrojenje, upravljačka jedinica, razvodne instalacijske cijevi: lož ulja, termalnog ulja, komprimiranog zraka i zagrijanog bitumena, pomoćni objekti i ulazna infrastruktura asfaltne baze.

- Osnovne sirovine su: kameni agregat (frakcionisan za asfalte), bitumen za cestogradnju, filer (kamena prašina) i reciklirani asfalt.
 - Kamene frakcije se dovoze vozilima sa kamenoloma ili drugih dobavljača i deponuju u natkrivene boksove po granulometrijskoj veličini zrna. Zalihe na deponiji moraju biti najmanje za jednodnevnu proizvodnju asfaltne mase. Kapacitet boksova za deponovanje kamene frakcije je oko 6 000 t.
 - Bitumen je uskladišten u stabilnim izoliranim cisternama (tri) sa izgrađenim tankvanama, zagrijava se na potrebnu radnu temperaturu za proizvodnju asfalta do 180 °C. Kapacitet cisterni je oko 120 tona. Zagrijavanje se vrši preko plamenika i termo ulja.
 - Lož ulje se koristi sa što manje sadržaja sumpora (manje od 0,5 %), a transportuje se sa auto – cisternama i skladišti u podzemnoj cisterni kapaciteta oko 20 t. Transport do plamenika i sušnice vrši se uz pomoć pumpe i cjevovoda koji su u «S» izvedbi.
 - Redovno se vrši prikupljanje i odlaganje krutog otpada u kontejnere (organski otpad, karton, papir, PVC ambalaža i dr.). Otpad nastao u toku procesa proizvodnje asfaltne mase (kameni agregat, asfalt) vraća se nazad u proces proizvodnje.
 - Radno manipulativni i vanjski skladišni prostor je asfaltiran. Vode opterećene zauljenom komponentom sa radno manipulativnih površina asfaltne baze se sistemom slivnika, kanala, rešetki odvođe na tretman do separatora ulja i masti kapaciteta (Q= 30 l/s). Nakon tretmana, prečišćena voda se preko monitoring okna upušta u rijeku Tinju.
 - Vode opterećene zauljenom komponentom sa radno manipulativnih površina servisne radionice za teška motorna vozila sa pomoćnim objektima se sistemom slivnika, kanala, rešetki odvođe na tretman do separatora ulja i masti kapaciteta (Q= 30 l/s). Nakon tretmana, prečišćena voda se preko monitoring okna upušta u rijeku Tinju.
 - Oborinske vode sa krovnih površina, prikupljaju se i odvođe posebnim kanalom, te ispuštaju u rijeku Tinju.
 - Obezbeđenje sanitarnih voda riješeno je dovozom cisternama i deponovanjem iste u odgovarajući rezervoar iz kojeg se distribuira u internu vodovodnu mrežu, a sve prema zaključenom ugovoru sa JP Vodovod i kanalizacija „Srebrenik“ d.d. Srebrenik. Za piće se koristi flaširana voda.
 - Sanitarno-fekalne vode koje nastaju na predmetnom lokalitetu prikupljaju se zasebnim sistemom kanala i odvođe u vodonepropusnu dvokomornu septičku jamu. Čišćenje septičke jame, po sklopljenom ugovoru vrši JP Vodovod i kanalizacija „Srebrenik“ d.d. Srebrenik.
 - Monitoring otpadnih voda, u skladu sa sklopljenim ugovorom vrši „Inspekt RGH“ d.o.o. Sarajevo. Uvidom u Izvještaj o monitoringu kvaliteta i kvantiteta otpadnih zaključeno je da izmjereni parametri na mjernim mjestima E1 i E2 zadovoljavaju granične vrijednosti emisije otpadnih voda koje se ispuštaju u prirodne recipijente u skladu sa Uredbom o uslovima ispuštanja otpadnih voda u prirodne recipijente („Službene novine Federacije BiH br. 26/20,96/20).
 - U prethodnom periodu, od izdavanja rješenja o vodnoj dozvoli broj: UP-I/25-3-40-032-8/17 od 12.01.2021. godine, pravno lice nije vršilo dogradnju i/ili izmjenu sistema –hidro fazu na ovom lokalitetu.
- Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Jata Group“ d.o.o. Srebrenik ispunio minimum uslova za izdavanje vodne dozvole za ispuštanje tehnoloških otpadnih voda sa lokacije poslovnog kompleksa objekata – asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, koja je smještena na lokalitetu Potpeć, općina Srebrenik, na zemljištu označenom kao k.č. broj:2224, 2225, 2226/1, 2226/2, 2220/5 i 2220/4 KO Potpeć, općina Srebrenik.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- JATA GROUP d.o.o.

Potpeć bb, 75350 Srebrenik,

Ⓒ AVP Sava, ISV – Vodna knjiga,

- Sektor 50,

- Sektor 40, arhiva,

- Oglasna ploča-AVP Sava